

Skupština KJKP "Park" d.o.o. Sarajevo

Broj: P-01-1796-4

Sarajevo, 28.04.2026. godine

Na osnovu člana 234. , a u vezi člana 303. Zakona o privrednim društvima ("Službene novine FBiH", broj 81/15 i 75/21), člana 32. i 36. Statuta KJKP „Park“ d.o.o. Sarajevo- prečišćeni tekst, broj: P-2802-3/21, od 31.8.2021., a u skladu sa Zaključkom Vlade Kantona Sarajevo, broj: 02-04-20555-59/26 od 23.04.2026. godine, na 2. vanrednoj sjednici, održanoj dana 28.04.2026. godine, Skupština KJKP "Park" d.o.o. Sarajevo donosi

ODLUKU O PONIŠTENJU KONKURSA ZA IZBOR I IMENOVANJE ČLANOVA NADZORNOG ODBORA KJKP "PARK" d.o.o. SARAJEVO

Član 1.

Poništava se javni konkurs za izbor i imenovanje članova Nadzornog odbora KJKP "Park" d.o.o. Sarajevo, objavljen dana **21.11.2025. godine** u "Službenim novinama Federacije BiH", broj 90/25, dnevnom listu Oslobođenje i na web stranici KJKP "Park" d.o.o. Sarajevo.

Član 2.

Poništenje javnog konkursa sa objavom ponovnog javnog konkursa za izbor i imenovanje članova Nadzornog odbora KJKP "Park" d.o.o. Sarajevo, objavit će se u "Službenim novinama Federacije BiH", dnevnom listu Oslobođenje i na web stranici KJKP "Park" d.o.o. Sarajevo.

Član 3.

Ova odluka stupa na snagu danom donošenja.

Obrazloženje

Komisija za provođenje postupka za izbor i imenovanje članova Nadzornog odbora dostavila je zapisnike o radu sa svojih sjednica. Iz Zapisnika sa 2. sjednice Komisije, održane dana **22.12.2025. godine**, proizlazi da je Komisija obavila intervju sa jednim kandidatom, čiju je prijavu ocijenila kao formalno-pravno ispravnu, te sačinila listu kandidata za imenovanje koja sadrži samo jednog kandidata, iako su na javni konkurs pristigle ukupno četiri prijave.

Imajući u vidu da je javni konkurs raspisan dana 21.11.2025. godine, te da se odlučivanje o predmetnom postupku vrši tek dana 28.04.2026. godine, ističe se da Preduzeće nije moglo uticati na navedeni vremenski razmak, s obzirom na to da u međuvremenu nije bio imenovan punomoćnik Vlade Kantona Sarajevo u Skupštini Preduzeća, zbog čega nije bilo moguće ranije odlučivati o predmetnom postupku. Također, imajući u vidu protek vremena od raspisivanja javnog konkursa do momenta odlučivanja, ne može se isključiti mogućnost da su se u

međuvremenu promijenile određene okolnosti kod prijavljenih kandidata, posebno u pogledu ispunjavanja uslova propisanih javnim konkursom.

Imajući u vidu da je javni konkurs raspisan za izbor i imenovanje **tri člana Nadzornog odbora**, koliko ovaj organ upravljanja i ima članova, te da Nadzorni odbor odlučuje većinom glasova svojih članova, imenovanje samo jednog člana ne bi omogućilo konstituisanje i zakonito odlučivanje ovog organa upravljanja.

Slijedom navedenog, utvrđeno je da u provedenom postupku nije moguće izvršiti izbor i imenovanje članova Nadzornog odbora u skladu sa raspisanim javnim konkursom i svrhom njegovog provođenja, zbog čega je odlučeno kao u dispozitivu ove odluke.

PUNOMOĆNIK VLADE KS
U SKUPŠTINI KJKP „Park“ d.o.o. Sarajevo



Dostavljeno:

- Resornom ministarstvu
- Skupštini,
- Nadzornom odboru,
- Komisiji,
- Upravi,
- Sekretar,
- za objavu,
- a/a.